

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 267376 25 St
Zenica, 02.04.2026. godine

Općinski sud u Zenici, stečajni sudija Amela Sinanović, odlučujući o prijedlogu za otvaranje stečajnog postupka nad stečajnim dužnikom AM-Call Expert d.o.o., ul. Alije Isakovića br. 39, Jelah-Polje, Tešanj, koga zastupa Advokatsko društvo „Alemdar Brkić“ d.o.o. Tešanj, dana 02.04.2026.godine, donio je sljedeće :

RJEŠENJE

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d.d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko povjerioci i zainteresovana lica u navedenom roku ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak nad imovinom pravnog lica AM-Call Expert d.o.o., ul. Alije Isakovića br. 39, Jelah-Polje, Tešanj, matični registarski broj subjekta upisa 43-01-0199-15, JIB: 421889059004, te po pravomoćnosti rješenja o zaključenju stečajnog postupka narediti brisanje ovog društva iz sudskog registra.

Ako povjerioci i zainteresovana lica predlože otvaranje stečajnog postupka i uplate predujam u navedenom roku stečajni sudija će otvoriti stečajni postupak i voditi ga u skladu sa odredbama Zakona o stečaju.

Obrazloženje

Na prijedlog stečajnog dužnika za otvaranje stečajnog postupka, Rješenjem broj 43 0 St 267376 25 St od 27.11.2025.godine, pokrenut je prethodni postupak radi utvrđivanja uslova za otvaranje stečajnog postupka nad imovinom pravnog lica označenog u izreci ovog rješenja, a za privremenog stečajnog upravnika je imenovan je Kulačić Senaudin, sa liste stečajnih upravnika.

Na ročištu održanom dana 02.04.2026.godine, privremeni stečajni upravnik je ostao Izvještaja od 20.12.2025.godine, te je istakao izvještaj je urađen na temelju raspoložive dokumentacije iz sudskog spisa, finansijske dokumentacije koja je stavljena na uvid, informacija dobijenih od nadležnih registara, informacija dobijenih na održanim sastancima sa direktoricom stečajnog dužnika, te neposrednim uvidom i obilaskom adrese koja je navedena kao sjedište stečajnog dužnika na adresi Alije Isakovića 39 Jelah-Polje, Tešanj, da je utvrdio da se na navedenoj adresi u poslovnom prostoru u sklopu benzinske pumpe „MUKI Benz“ Tešanj nalazi istaknuta firma stečajnog dužnika, ali bez ikakvih poslovnih aktivnosti. Na osnovu uvida u dostupnu finansijsku dokumentaciju stečajnog dužnika, a naročito posljednjeg godišnjeg finansijskog izvještaja, privremeni stečajni upravnik je konstatovao da društvo iskazuje akumulirani (nepokriveni) gubitak u iznosu od 27.199,00 KM i isti je veći od iznosa akumulirane dobiti 20.660,00 KM. Dužnik je prema Bilansu stanja na dan 31.12.2024. godine ostvario gubitak iznad visine kapitala u iznosu od 4.539,00 KM. Shodno bilansu stanja društva koje je za 2025. godinu dostavilo u

Finansijsko informatičku agenciju (FIA), Sarajevo navedeno je da društvo nema pokretnu ili nepokretnu imovinu u aktivi. Radi provjere tačnosti navedenih podataka, izvršio je provjere u javnim i službenim evidencijama, te je uvidom u Uvjerenje Zemljišnoknjižnog ureda Općinskog suda u Tešnju, broj: 039-0-RZ-25-002816, od 09.12.2025. godine, Uvjerenje Službe za katastar, urbanizam i imovinsko-pravne poslove Općine Tešanj, broj: 06-26-7-6615/25-2, od 09.12.2025. godine utvrdio da stečajni dužnik nema u svom vlasništvu nekretnine odnosno nije upisan kao nosilac prava u katastarskom operatu. Uvidom u Uvjerenje MUP-a ZDK, Odsjek za administraciju Tešanj, broj: 08-01-02/-11-03-7-6039-1/25, od 12.12.2025. godine je utvrdio da stečajni dužnik ne posjeduje motorno ili priključno vozilo. Uvidom u Potvrdu Registra vrijednosnih papira u Federaciji Bosne i Hercegovine, broj: 02-6-8674/25, od 05.12.2025. godine stečajni dužnik nije registriran kao vlasnik vrijednosnih papira. Od ostale imovine, prema Bilansu stanja društvo ima evidentiran iznos od 447 KM na kontu Ostala imovina i potraživanja, uključujući i razgraničenja, a radi se o potraživanju po osnovu poreza na dodanu vrijednost (PDV) prema Upravi za indirektno oporezivanje BiH, čija naplativost u ovom trenutku nije izvjesna i zavisi od provedenih poreznih i administrativnih postupaka. Shodno svemu gore navedenom, konstatuje da stečajni dužnik nema pokretne, nepokretne ili druge imovine. Za utvrđivanje obaveza stečajnog dužnika izvršio je uvid u raspoložive poslovne knjige dužnika Bilans stanja na dan 31.12.2024. godine, Uvjerenje Uprave za indirektno oporezivanje BiH RC Tuzla, br: 02/6/IV-16-11-21-10271-2/25, od 09.12.2025. godine, Uvjerenje Porezne Uprave FBiH, KPU Zenica, Porezna ispostava Tešanj, broj: 13-4/4-45-1-5954/25 AM, od 10.12.2025. godine, Listu sudskih predmeta iz CMS evidencije Općinskog suda u Tešnju, broj: 39-0-SU-25-000-1154, od 15.12.2025. godine, Informaciju UniCredit bank, broj: 14-3-20455-1/2025, od 12.12.2025. godine, kao banke gdje društvo ima otvoren račun radi utvrđivanja visine dospjelih obaveza dužnika, te je utvrdio da privredno društvo sa danom pokretanja prethodnog stečajnog postupka radi utvrđivanja uslova za otvaranje postupka stečaja nad imovinom privrednog društva ima neizmirenih i dospjelih obaveza za plaćanja u iznosu od 21.555,06 KM sa tendencijom rasta. Izvršio je uvid u Izvještaj o računima poslovnog subjekta, izdatog od strane Jedinstvenog registra računa u BiH Centralne banke BiH na dan 05.12.2025. godine, te utvrdo da dužnik ima otvoren transakcijski račun kod UniCredit banka dd, kao glavni račun. Prema Pregledu rješenja prinudne naplate, izdatog od Unicredit bank dd, utvrdio je da je glavni račun stečajnog dužnika na dan 12.12.2025. godine blokiran na iznos od 17.944,89 KM. Račun je blokiran od strane Porezne uprave F BiH, Kantonalni porezni ured Zenica i to po osnovu tri poreska naloga od 13.09.2023. godine, 12.01.2024. godine i 16.02.2024. godine i dva rješenja o izvršenju Općinskog suda u Tešnju broj: 39 0 Ip 073713 24 Ip i 39 0 Ip 073696 24 Ip. Iz Izvještaja o računima poslovnog subjekta, može se vidjeti da je glavni račun dužnika blokiran dana 15.03.2023. godine, te imajući u vidu odredbe člana 6. stav (3) Zakona o stečaju, jasno proizilazi da postoje razlozi za otvaranje stečajnog postupka, jer je račun blokiran 60 dana neprekidno. Organ ovlašten za zastupanje stečajnog dužnika je podnio prijedlog za pokretanje stečajnog postupka dana 06.11.2025. godine, a uzimajući u obzir da je glavni račun dužnika blokiran 15.03.2023. godine, prijedlog za pokretanje stečajnog postupka podnesen je nakon isteka roka od 60 dana od dana nastupanja platežne nesposobnosti.

Shodno naprijed navedenom, privremeni stečajni upravnik daje mišljenje da kod dužnika postoje razlozi za otvaranje stečajnog postupka iz člana 6. Zakona o stečaju – platežna nesposobnost dužnika, jer su računi blokirani 60 dana neprekidno, odnosno jer dužnik 60 dana neprekidno ne izmiruje svoje dospjele i potraživane novčane obaveze, da dužnik, odnosno organ ovlašten za zastupanje dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti, dužnik ne posjeduje imovinu koja može pokriti troškove stečajnog postupka, da dužnik nema imovine koju bi obezbjeđivao i o kojoj bi se starao privremeni stečajni upravnik, da se poslovanje dužnika ne može nastaviti u cjelini, niti djelimično u toku prethodnog postupka.

Punomoćnik predlagatelja nije imao primjedbi niti prigovora na ovaj Izvještaj.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102. st. 7., 8. i 9. Zakona o stečaju („Službene novine FBiH“, broj: 53/21 i 19/25), pozvao povjerioci i zainteresovana lica da predlože otvaranje stečajnog postupka i uplate predujam za obezbjeđenje troškova stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

Obzirom na izloženo, a primjenom navedenih zakonskih propisa, sud je odlučio kao u izreci ovog rješenja. Ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

Stečajni sudija
Amela Sinanović, s.r.

Pouka o pravnom lijeku: Protiv ovog rješenja nije dozvoljena žalba.